

Шунмгъа кӧдлӧчнр

Одахн Приозерн района «Северный» совхоз, ах организацсин шиидврӧр, Юстинск районд орулгдв, эн шиидв-риг района кӱч-кӧлсчнр ик байртагъар тосв.

Эн совхоз хӧд киргългъӧн июнь сарин 17-д дуусв. Киргългдсн цуг хӧӧдӧс 707 центнер ноос авч, тӱӱгӧн Невинномысск ноос угългъна фабрикур йовулв.

Хӧд киргългънд ӱзмджтӧ кӧдлсн ӱр П. Санцык, Л. Ностаев, Нурсултанов, П. Кармадаев, Куляшов болн нань чигн киргълчнр. Эдн ӧдрӧ кемджӧгъӧн 150-170 процент кӱргдж кӱцӧджӧв.

Хӧд киргългънӧс сулдсн кӧдлӧчнр ода малд хот белдлгънӧ кӧдлмшт шундж орлцдж йовцхана.

БАДМИН Николай.